

Atleta di bula leu

Quincy Breell lo competi den e 49 Sur Americano de Atletismo na Lima, Peru

ORANJESTAD - Den e weekend tras di lomba, e atleta elite di bula leu, Quincy Breell a sali pa Lima, Peru, unda e la competi den e Grand Prix de Atletismo.

Despues cu algun siman atras Quincy a realisa un tremendo

actuacion na Cartagena, Colombia unda e la logra bula un record personal y alabes nacional di 7.72 meter den bula leu, un otro reto ta spera e atleta Arubano.

E biaha aki Quincy a participa den e Grand Prix de Atletismo hunto cu otro 25 fuerte competidonan di Brasil, Ven-

ezuela, Ecuador, Puerto Rico, Costa Rica, Argentina, Chile y Colombia. Na Lima, Quincy simplemente kier mehora su marca di 7.72m den bula leu y sigura su posicion pa loke ta e Weganan Panamericano di Toronto, Canada. Un bes bek na Aruba, Quincy lo sigui entrena y traha duro pa

e proximo competencia cu lo ta na Bahamas e dianan 26 – 28 di juni.

Un danki sigur na Lotto, e Loteria di Aruba pa medio di Comision di Subsidio cu a subsidia e atleta di bula leu Quincy Breell pa cu e Grand Prix de Atletismo na Lima, Peru. □

